



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO



A.nr.626/2026

Këshilli i Pavarur Mbikëqyrës për Shërbimin Civil të Kosovës – Kolegji për Shqyrtimin dhe Vendosje e Ankesave, në përbërje nga: Eshref Shabani-kryetar, Ardita Haxhnikaj-Demi dhe Malësore Gashi Bajraktari- anëtare, me Rushit Kajtazi, në cilësinë e procesmbajtësit, në procedurë sipas ankesës me numër A.nr. 626/2026 të datës 15.06.2026, të parashtruar nga ankuesja A.K, kundër organit të punësimit/Komuna e Pejës, në çështjen juridike “ Masë Disiplinore”, duke vepruar në pajtim me nenin 6 paragrafin 1 nën paragrafin 1.1, nenin 16 paragrafi 3, dhe nenin 18 paragrafin 1 nën paragrafin 1.8 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendorsjes së Ankesave në Këshillin e Pavarur Mbikëqyrës për Shërbimin Civil të Kosovës, me datë 21.07.2026, mori këtë:

V E N D I M

Këshilli i Pavarur Mbikëqyrës për Shërbimin Civil të Kosovës shpallet jo kompetent për të shqyrtuar dhe vendosur lidhur me ankesën A.nr. 626/2026, e datës 15.06.2026, e parashtruar nga ankuesja A.K.

A r s y e t i m

A.K (në tekstin e mëtejme referuar: Ankuesi), me datë 15.06.2026, ka parashtruar ankesë në Këshillin e Pavarur Mbikëqyrës për Shërbimin Civil të Kosovës, e regjistruar nën shenjë A.nr. 626/2026 kundër vendimit me numër protokoli 484/21, të datës 05.06.2026, të Komisionit për Zgjidhjen e Kontesteve dhe Ankesave të Komunës së Pejës.

Kolegji për Shqyrtimin dhe Vendorsjen e Ankesave (në tekstin e mëtejme referuar: Kolegji i Këshillit) administroi këto prova: Ankesën me numër protokoli 2666/2026, e datës 15.06.2026, e parashtruar nga ankuesja drejtuar Këshillit të Pavarur Mbikëqyrës për Shërbimin Civil të Kosovës; Kopjen e letërnjoftimit për ankuesen A.K; Vendimi i datës 06.05.2026; Vendimi me numër protokoli 484/21, i datës 05.06.2026, i Komisionit për Ankesa; Kërkesë e datës 27.02.2026; Ankesë e datës 07.05.2026; Vendimin e datës 26.09.2024; Procesverbali i datës 26.09.2024; Kontrata e punës e datës 02.04.2015, për ankuesen A.K.

Kolegji për Shqyrtimin dhe Vendorsjen e Ankesave (në tekstin e mëtejme referuar: Kolegji i Këshillit) nga administrimi i shkresave të lëndës ka gjetur se Këshilli i Pavarur Mbikëqyrës për Shërbimin Civil

i Kosovës nuk është kompetent për të vendosur për ankesën me numër A.nr. 626/2026, të datës 15.06.2026, të parashtruar nga ankuesja, A.K, **sepse:**

Nga administrimi i provave të lëndës rezulton se ankuesja A.K. sipas kontratës së punës me numër protokoli 07/09 të datës 02.04.2015, mbanë pozitën e punës “Mësimdhënëse”, në SH.F.M.U “Lidhja e Prizrenit”, në Pejë.

Tutje Komisioni për Zgjedhjen e Kontesteve dhe të Ankesave i Komunës së Pejës, përmes vendimit me numër protokoli 484/21, të datës 05.06.2026, ankueses i refuzon ankesën protokoli 441/18, të datës 07.05.2026, duke e lenë në fuqi vendimin me numër protokoli 01-06/01-29373, të datës 06.05.2026, të Komisionit Disiplinor të Komunës së Pejës.

Ankuesja A.K, e pakënaqur me vendimin me numër protokoli 484/21, të datës 05.06.2026, Komisionit për Zgjedhjen e Kontesteve dhe të Ankesave të Komunës së Pejës, me datë 15.06.2026, ka parashtruar ankesë, në Këshillin e Pavarur Mbikëqyrës për Shërbimin Civil të Kosovës, me pretendimet ankimor kundër vendimit të datës 05.06.2026, të Komisionit për Zgjedhjen e Kontesteve dhe të Ankesave të Komunës së Pejës, përmes të cilit vendim ankueses i refuzon ankesën e duke e lenë në fuqi vendimin me numër protokoli 01-06/01-29373, të datës 06.05.2026, të Komisionit Disiplinor të Komunës së Pejës, për shkak të shkeljeve të Rregullave të Procedurës Administrativë/Disiplinor Vërtetim të gabuar ose jo të drejte të gjendjes faktike zbatim të gabuar të së drejtës materiale.

Në kuptim të përcaktimit të kompetencës së Këshillit për shqyrtim dhe vendosje lidhur me këtë çështje administrative, Kolegji i Këshillit iu referua Ligjit Nr.08/L-197 për Zyrarët Publikë, gjegjësisht nenit 5 më të cilin përcaktohet se:

Kategoritë e zyrtarëve/publik janë: 1.1. Nëpunësja/i i shërbimit civil; 1.2. Nëpunësja/i i shërbimit publik; 1.3. Krijuesja/i dhe performuesja/i e/i artist dhe kulturës; 1.4. Nëpunësja/i teknik dhe mbështetës; dhe 1.5. Zyrtarja/i i kabinetit. 2. Nëpunësja/i i shërbimit civil është zyrtarja/i publik në kuadër të shërbimit civil i cili merr pjesë në formulimin dhe/apo zbatimin e politikave, monitorimin e zbatimit të rregullave dhe procedurave administrative dhe ofrimin e mbështetjes së përgjithshme profesionale dhe administrative në zbatim. Nëpunësja/i i shërbimit civil ushtron detyrën në pozitën përkatëse, duke filluar nga zyrtarja/i profesional deri në pozitën e drejtueses/it të lartë, në administratën e Presidentes/it të Republikës së Kosovës, në administratën e Kuvendit të Republikës së Kosovës, në Zyrën e Kryeministres/it të Republikës së Kosovës, në Ministri, në Agjenci Ekzekutive dhe në degë lokale të tyre, institucione të pavarura kushtetuese, në agjenci të pavarura dhe rregullatore, në administratën komunale dhe çdo nëpunës/ës statusi i të cilit është përcaktuar si nëpunës/ës i shërbimit civil, me ligj të veçantë. 3. Nëpunësja/i i shërbimit publik është zyrtarja/i publik i cili ofron shërbime publike të drejtpërdrejta për qytetarët në fushën e arsimit, shëndetësisë, kulturës, artist, në fushën e mjekësisë ligjore, si dhe shërbime tjera të ngjashme publike. Nëpunësja/i i shërbimit publik ushtron detyrën në pozitën përkatëse duke filluar nga niveli profesional deri në nivelin e lartë drejtues. Nëpunësja/i i shërbimit publik është edhe nëpunësja/i i shërbimeve të brendshme në administratën e

shërbimeve publike pjesë e administratës shtetërore, në administratën e shërbimeve publike apo pjesë e komunës....” rrjedhimisht në kuptim të këtyre dispozitave ligjore rezulton së të gjithë të punësuar duke përfshirë zyrtarët e nivelit të lartë drejtues, drejtues, profesional dhe shërbimeve të brendshme në kuadër të institucioneve publike arsimore të Kosovës kanë statusin e nëpunësit të shërbimit publikë, kështu, nisur nga fakti se ankuesja sipas kontratës së punës me numër protokolli 07/09 të datës 02.04.2015, mbanë pozitën e punës “Mësimdhënëse”, në SH.F.M.U “ Lidhja e Prizrenit”, në Pejë Kolegji konstaton së ankuesja nuk ka statusin e nëpunësit civil, andaj, bazuar në nenin 6 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, ku përcaktohet se Këshilli është kompetent për të shqyrtuar vetëm ankesat e nëpunësve civilë dhe kandidatëve për pranim në Shërbimin Civil, rrjedhë së Këshilli i Pavarur Mbikëqyrës për Shërbimin Civil të Kosovës nuk është kompetent për të vendosur lidhur me ankesën A.nr.626/2026 të datës 21.06.2026 të parashtruar nga ankuesja.

Bazuar si më sipër, e në mbështetje të nenit 18 paragrafin 1 nën paragrafin 1.8 të Ligjit Nr.06/L048 për Këshillin e Pavarur Mbikëqyrës për Shërbim Civil të Kosovës, Kolegji i Këshillit vendosi si në dispozitiv të këtij vendimi.

Vendimi hyn në fuqi në ditën e nënshkrimit nga Kryetari i Kolegjit.

KËSHILLË JURIDIKE: Kundër vendimit të Këshillit, pala e pakënaqur mund të iniciojë konflikt administrativ në Gjykatën Administrative në Prishtinë- Departamenti për Konteste të Punës, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
LËNDA A.nr.626/2026.

Rushit Kajtazi

Eshref Shabani

Procesmbajtës

Kryetar i Kolegjit

Vendimi i dorëzohet:

- Ankuesja A.K;
- Udhëheqësit të Personelit në Komunën e Pejës dhe
- Arkivit të KPMSHCK-së;